

中國邊境史料通編

(秦—清)



中國邊境史料通編

(秦—清)

一九

道光戊戌仲夏月重鐫

校正無訛
翻刻必究

羊防車輿

來鹿堂藏板

洋防輯要引

自昔談海防以禦外洋堵海口為要策我

國家於崇明舟山五環海壇金門澎湖南澳碇洲島嶼
深阻之處皆特設鎮將而臺灣在澎湖外距海岸水
程千里鷄籠鳳山隸我版圖設官蒞長人物繁昌屹
然為海外鉅鎮聲威雄壯杜島夷之窺伺矣口岸則
直隸之天津山東之登萊江南之狼山浙江之黃巖
溫州福建之福寧廈門漳州廣東之潮州碣石虎門
高廉瓊州各安專閫分布重兵而天津以畿輔要地

舊制已設陸營近又增以水師松江當劉河吳淞川
沙要口寧波當杭紹定海象山要口泉州當金門廈
門要口惠州密邇碣石虎門特駐軍門就近統領防
禦營城汎堡砲臺煙墩星羅碁布口岸之綢繆密矣
至於揀將弁練兵卒整備船隻器械斷接濟嚴透漏
禁奸徒出入哨巡岸稽著為令甲罔不嚴密整齊沿
海人民農桑絃誦二百年來晏然無七邑警夫不知
前代之失無由知

國家之所以為得也明自嘉靖以降陵夷不可言矣

信國公沿海設立衛所之初棄昌國浯嶼澎湖南澳各要不守論者已有撤我藩籬貽寇巢窟之憾迨後紀綱弛衛所虛存內地奸民勾結倭夷乘間發難東南濱海數千里生靈塗炭一時名臣宿將羣策羣力經營十數年會倭飽思歸直海受餌吳越烽煙浸熄而閩廣洋患旋撲旋生蔓延而不已失要則亂詎不信歟嘉靖用兵時唐順之茅坤譚綸胡世寧諸名人身在行間目擊失事之端委屢條防堵之機宜其他吳越先哲就所見聞存之記載皆得失之林也寧

人景范兩顧先生當勝國未造視洋患為切膚災蒿
目時艱憂深慮遠而生長吳越文獻之邦野史家集
郡邑志乘足以供其採擇考訂景范之學長於輿地
寧人之識兼通方畧其愾嘆而發之議論往往一篇
之中三致意焉較之諸家尤精而切語曰雖有絲麻
無葉管蒯蘇子瞻曰藥用良手方傳古人夫言苟當
於蒼赤利害邊腹防維雖巷諺里議皆當存而不削
矧其為精切之書耶惜無善本抄稿錯落雜復觀者
病焉茲幸山南謚寧郡閣少事廼取景范讀史輿地

紀要摘其緣海山川險要輯直隸山東浙江福建廣東海疆輿地取寧人郡國利病書次其兵防軍政兵事輯江南浙江福建廣東海防畧胡譚唐茅諸君子暨時賢策畧亦蒐而輯之至戚南村之練兵得節制遺意輯紀効書之操練水師者他如水戰之臨機決勝出洋之風信潮候船筏帆櫓臨敵之火器弓弩皆洋防之要以次輯焉元明之衛所運道鹽政外夷市貢雖得失參半亦莫非當年要務輯之以備參稽共成書二十四卷名之曰洋防輯要覽乎此者知勝國

疎於防制因以啟釁召侮諸君子所太息為未能舉行者至

聖朝而措置罔遺憬然於綏靖海疆鯨潛鱷伏海不揚波者罔非

廟謨之周詳也書曰鑒於成憲其罔有愆沿海文武士民恪循經制無敢廢墜則億萬斯年享乂安之福也已

淑江嚴如煜炳文氏

洋防輯要目錄

一卷

總分直省海疆圖說

二卷

國朝經制上

三卷

國朝經制下

四卷

直隸山東沿海輿地考
輯讀史方輿紀要

五卷

江南沿海輿地考
輯讀史方輿紀要

六卷

浙江沿海輿地考輯讀史方輿紀要

七卷

福建沿海輿地考輯讀史方輿紀要

八卷

廣東沿海輿地考輯讀史方輿紀要

九卷

江南防海畧輯郡國利病書

十卷

浙江防海畧上輯郡國利病書

十一卷

浙江防海畧下輯郡國利病書

十二卷

福建防海畧上 輯郡國利病書

十三卷

福建防海畧下 輯郡國利病書

十四卷

廣東防海畧上 輯郡國利病書

十五卷

廣東防海畧下 輯郡國利病書

十六卷

沿海形勢總畧 雜輯

十七卷

策畧 雜輯

十八卷

風潮占驗雜輯

十九卷

操練水師畧輯紀効新書

二十卷

水戰籌輯金湯備笈

二十一卷

兵器籌雜輯

二十二卷

海運舊制雜輯

二十三卷

鹽務輯郡國利病書

二十四卷

洋夷市貢
輯郡國利病書

洋防輯要一卷 圖說

直省海洋總圖

盛京直隸洋圖

山東洋圖

江南洋圖

浙江洋圖

福建洋圖

廣東洋圖

高麗輿地圖

安南輿地圖

東南洋外夷圖

西南洋外夷圖

元明海運衛所圖